

**REGLUGERÐ****um breytingu á hafnarreglugerð fyrir Bíldudalskaupþún,  
nr. 177 19. september 1947.****1. gr.**

17. gr. reglugerðarinnar orðist þannig:

- a) Öll skip og bátar, sem eru í eigu manna búsettra á Bíldudal og skrásett þar eða gerð út þaðan til fiskveiða eða flutninga, þó ekki til millilandasiglinga, svo og önnur skip og bátar, sem gerðir eru út frá Bíldudal a. m. k. tveggja mánaða tíma samfleytt á ári, skulu greiða lestagjald sem hér segir:  
Opnir bátar greiði lágmarksgjald kr. 130.00 og auk þess kr. 37.50 fyrir hverja brúttórúmllest.
- Þilfarsbátar greiði lágmarksgjald kr. 260.00 og auk þess kr. 37.50 fyrir hverja brúttórúmllest. Fari þessi skipi millilandaferðir, verða þau gjaldskyld undir d-lið þessarar greinar og má þá endurgreiða nefnt gjald hlutfallslega fyrir þann tíma, sem millilandaferðin tekur eða ferðirnar, ef þeim er haldið áfram óslitið.
- b) Innlend fiskiskip greiði kr. 1.05 fyrir hverja brúttórúmllest, í hvert skipti, er þau koma til hafnarinnar.
- c) Strandferðaskip, sem að staðaldri eru í strandferðum, eftir fastri fyrirfram auglýstri áætlun, greiði kr. 0.50 fyrir hverja nettórúmllest í hvert sinn, þó ekki oftar en 5 sinnum á ári.
- d) Öll önnur skip, er til hafnarinnar koma, greiði kr. 1.50 fyrir hverja nettórúmllest, sbr. þó 19. gr.

**2. gr.**

18. gr. reglugerðarinnar orðist þannig:

Fyrir skip, sem lagt er við föst legufæri á höfninni, skal greiða árlega sem hér segir: Ef þau eiga heima á Bíldudal, og eru að öllu leyti í eigu manna búsettra á Bíldudal, skal greiða fyrir opna báta kr. 40.00, vélbáta með þilfari kr. 80.00 og stærri skip kr. 120.00. Um aðra báta fer eftir samkomulagi við hafnarnefnd.

**3. gr.**

20. gr. reglugerðarinnar orðist þannig:

Hvert það skip, er leggst að bryggju eða bólvirki, hvar sem er í höfninni eða að skipi, sem liggur við bryggju eða bólvirki, skal greiða bryggjugjald eftir stærð skipsins, talið í heilum tonnum, en brotum sleppt.

Gjöldin skulu vera sem hér segir:

- a) Bátar og skip samkv. 17. gr. a-lið greiði kr. 6.00 af hverri brúttórúmllest árlega.
- b) Bátar og skip, sem um getur í b-lið 17. gr. greiði fyrir hvern hálfan sólarhring eða hluta úr hálfum sólarhring kr. 0.45 af hverri nettórúmllest í hvert sinn, sem þau koma til hafnarinnar.
- c) Strandferðaskip, sem um getur í c-lið 17. gr. greiði kr. 0.45 af hverri nettórúmllest, í hvert sinn, er þau koma til hafnarinnar.
- d) Öll önnur skip, nema varðskip og björgunarskip, greiði kr. 0.75 af hverri brúttórúmllest fyrir hvern hálfan sólarhring eða hluta úr hálfum sólarhring. Bryggjugjald samkv. b-, c- og d-liðum þessarar greinar, skal aldrei vera lægra en kr. 75.00 í hvert sinn.

## 4. gr.

24. gr. reglugerðarinnar orðist þannig:

1. flokkur. Gjald kr. 2.00 fyrir hver 100 kg:  
Kol, koks og salt.
2. flokkur. Gjald kr. 3.00 fyrir hver 100 kg:  
Kornvara og fóðurvara í sekkjum, áburður, hey, garðávextir (þ. e. kartöflur, rófur, laukur), sement, kalk og beitusíld.
3. flokkur. Gjald kr. 3.60 fyrir hver 100 kg:  
Gasolía, svartolía og aðrar brennsluolíur, benzín byggingarefni óunnið (þ. e. þakjárn, þakhellur, þakskífur, asbest, steypustyrktarjárn, múrhúðunarefni, þó ekki sementsmálning, vikur, vikursteinn, hluti úr frauðsteypu og gjalli, vegg- og gólfllísar), veiðarfæri, ótalin annars staðar, fiskumbúðir og saltfiskur.
4. flokkur. Gjald kr. 4.50 fyrir hver 100 kg:  
Hraðfrystur fiskur, sjávarafurðir, ótaldar annars staðar, gæru, húðir og garnir.
5. flokkur. Gjald kr. 5.00 fyrir hver 100 kg:  
Járn óunnið, smíðajárn, miðstöðvar og vatnsleiðslurör (þ. e. rör og ofnar, katlar, kranar og annar fittings), rör og pípur (þ. e. rafmagnsrör, oliuleiðslurör, rör ótalin annars staðar), jarðstrengur, vír óeinangraður, girðingarefni annað en tréstaumar, vélar og tæki (þyngri en 100 kg, þ. e. vinnuvélar, mótórar, rafalar, spennar), háspennueinangrarar, bifreiðar, vélar og tæki til landbúnaðar önnur en handverkfæri, olíur í heilum fötum aðrar en brennsluolíur (þ. e. smurolíur og smjörlikisolíur), trjáviður og þilplötur til húsagerðar, sem gjald reiknast af eftir þyngd, skreið.
6. flokkur. Gjald kr. 6.00 fyrir hver 100 kg:  
Landbúnaðarvörur, ótaldar annars staðar.
7. flokkur. Gjald kr. 1.50 fyrir hver 10 kg:  
Olíur í litlum þakningum, ílátum og dósúm, rafknúin heimilistæki, raflingarefni ótalin annars staðar, eldavélar, kynditæki, ofnar, hreinlætistæki, þ. e. úr postulíni og málmum, málningavörur, ýmiss konar, sementsmálning, húðunarefni ótalin annars staðar, terrassó, gólfdukur og plötur til gólfslagninga, korkur, unninn og óunninn, rúðugler í kistum, einangrunarvír, sykur, kaffi, kaffibætir, brauðvörur alls konar, ávextir, grænmeti, matvara í stórum þakningum og í dósúm og glösúm, fullunnar efnagerðarvörur ótaldar annars staðar, kjötvörur og fiskvörur í dósúm og smáþakningum, handverkfæri, vélar og tæki undir 100 kg, varahlutir ýmiss konar (þ. e. saumur, skrúfur, boltar, skrár og lamir og fleira þess konar úr málmum og gerviefnum), barnavagnar, hjólhestar og mótórhjól, smávélar (þ. e. skilvindur, strokkar, saumavélar o. fl.), hreinlætisvörur, aldinsafi, öl, gosdrykkir, búsáhöld ýmiss konar, burstavörur, siglingatæki, gúmmívörur, bækur, pappírsvörur, kennslutæki, vefnaðarvörur, garn (ull og gerviefni).
8. flokkur. Gjald kr. 3.00 fyrir hver 10 kg:  
Leðurvörur, skófataður, glervörur ótaldar annars staðar, lyfjavörur, hjúkrunarvörur, rafmagnsvörur og tæki ótalin annars staðar, smáhljóðfæri, viðtæki, upptökutæki, grammófónar, spólur og hljómplötur, mælitæki, þ. e. mælar, klukkur, úr og önnur mælitæki ótalin, sportvörur, sælgætisvörur, skrifstofuvélar, byssur, skotfæri, leikföng, skrautvörur, glysvarningur, áfengi, ilmvoðn, tóbaksvörur, ótaldar smávörur, svo og

allar þær vörur, sem gjald er tekið af eftir þyngd og eru ótaldar annars staðar.

9. flokkur. Gjald kr. 1.25 fyrir hvert stykki:  
Tómar tunnur, föt og umbúðir.
10. flokkur. Gjald kr. 0.80 fyrir hvert teningsfet:  
Trjáviður, sem reiknast eftir rúmmáli.
11. flokkur: Gjald kr. 1.20 fyrir hvert teningsfet:  
Húsgögn, hljóðfæri, olúgeymar o. fl., allar aðrar vörur, ótaldar annars staðar, sem gjald reiknast af eftir máli.
12. flokkur. Gjald kr. 15.00 fyrir hvert stykki:  
Stórgripir, lifandi sauðfé.
13. flokkur. Gjald kr. 2.50 fyrir hverja tunnu.  
Saltsild í tunnum.
14. flokkur.  $\frac{1}{2}\%$  af verðmæti sjávarafurða, lönduðum í Bildudalshöfn til vinnslu og verkunar, sem innleggjandi greiðir. Kaupandi, vinnsluaðili eða verkandi innheimtir gjaldið og er ábyrgur fyrir því til hafnarsjóðs, þótt hann vanræki innheimtu þess hjá innleggjanda.

Reglugerð þessi staðfestist hér með samkvæmt lögum um hafnargerðir og lendingarbætur, nr. 29 23. apríl 1946, og birtist til eftirbreytni öllum þeim, sem hlut eiga að máli.

Jafnframt falla úr gildi 1., 2., 3. og 5. gr. reglugerðar nr. 71 29. júní 1959.

*Samgöngumálaráðuneytið, 20. janúar 1964.*

**Emil Jónsson.**

*Brynjólfur Ingólfsson.*

## REGLUGERÐ

### fyrir vatnsveitu Siglufjarðar.

#### 1. gr.

Bæjarstjórn Siglufjarðar hefur einkarétt til vatnssölu í kaupstaðnum og á höfninni.

Óheimilt er skipum í Siglufjarðarhöfn að taka vatn annars staðar í Siglufirði en úr æðum vatnsveitu Siglufjarðar, og eingöngu á þeim stöðum, sem vatnssölu- maður eða vatnsveitustjóri ákveða.

#### 2. gr.

Enginn má leggja vatnsæð frá vatnsveitu kaupstaðarins annar en sá, sem bæjarstjórn felur það starf.

#### 3. gr.

Hver sá, er komast vill í samband við vatnsveitu Siglufjarðar, skal senda vatnsveitunefnd skriflega umsókn þar um. Umsókninni fylgi nákvæmar upplýsingar um hve mikið vatn viðkomandi telur sig þurfa, og til hvers það skuli notað.